

XEDAPEN OROKORRAK

EKONOMIAREN GARAPEN, JASANGARRITASUN ETA INGURUMEN SAILA

1881

115/2021 DEKRETUA, martxoaren 23koa, zeinaren bidez arautzen baitira nekazaritzaren, arrantzaren eta elikagaigintzaren sektoreko zientzia-teknologiaren eta enpresaren alorretan langile ikertzaileentzako eta langile teknologoentzako prestakuntza-laguntzak (Ikertalent programa).

Ekonomiaren Garapen, Jasangarritasun eta Ingurumen Sailak badaki langileen prestakuntza garrantzitsua dela EAEko nekazaritzaren, arrantzaren eta elikagaigintzaren sektorean ikerketa, garapena eta berrikuntza sustatzeko. Horregatik, sektore horretako prestakuntza indartzen ari da, langile ikertzaileentzako eta langile teknologoentzako laguntzen emakidaren bitartez, garapen teknologikoaren eta enpresa-berrikuntzaren alorretan.

Aurretik, laguntza horiei aplikatu beharreko araudia honako hauetan zegoen jasota: 185/2007 Dekretua, urriaren 23koa, Euskal Autonomia Erkidegoko nekazaritza, arrantza eta elikaduraren sektoreko arlo zientifiko-teknologikoan eta enpresa-arloan, ikertzaile eta teknologo gazteak prestatzeko laguntzei buruzkoa, azaroaren 24ko 608/2009 Dekretuaren bidez aldatua.

Laguntza programa indarrean dagoen araudira egokitzeko asmoz argitaratu zen 2020ko martxoaren 3ko Euskal Herriko Agintaritzaren Aldizkarian otsailaren 18ko 15/2020 Dekretua, zeinaren bidez arautzen baitira nekazaritzaren, arrantzaren eta elikagaigintzaren sektoreko zientzia-teknologiaren eta enpresaren alorretan langile ikertzaileentzako eta langile teknologoentzako prestakuntza-laguntzak, laguntzen programa arau berrietara.

Argitaratu ondoren, zuzendu beharreko akats materialak atzeman dira, baita formulazio batzuen idazketa aldatzeko beharra ere, arau horretan ezarritakoa hobeto ulertu eta aplikatu ahal izateko.

Aldaketa ugari egin behar direnez, araudia errazago erabiltzeko eta segurtasun juridikoa babes-teko, erabaki da jatorrizko testua eta egin beharreko aldaketak bilduko dituen dekretu bat onartzea.

Lehendakariaren irailaren 6ko 18/2020 Dekretuak, EAEko administrazioko sailak sortu, ezabatu eta aldatzen eta horien egitekoak eta jardun-arloak finkatzen dituenak, Ekonomiaren Garapen, Jasangarritasun eta Ingurumen Sailari eskumenak eman dizkio nekazaritzako, arrantzako eta elikagaigintzako industrien eta komertzializazioaren alorrean, baita nekazaritzako elikagaien politikan ere.

Ondorioz, Ekonomiaren Garapeneko, Jasangarritasuneko eta Ingurumeneko sailburuak proposatuta, eta Gobernu Kontseiluak 2021eko martxoaren 23an egindako bilkuran proposamen hori aztertu eta onartu ondoren, hau

XEDATZEN DUT:

I. KAPITULUA

XEDEA ETA EZAUGARRIAK

1. artikulua.– Xedea eta zertarakoa.

1.– Dekretu honen xedea da langile ikertzaileentzako (doktorego-tesiak egin ditzaten) eta langile teknologoentzako prestakuntza-laguntzen emakidari aplikatuko zaion erregimena ezartzea, biak Euskal Autonomia Erkidegoko nekazaritzaren, arrantzaren eta elikagaigintzaren sektoreetan.

2.– Laguntza horien helburua da langile ikertzaileen eta langile teknologoien prestakuntza sustatzea, Euskal Autonomia Erkidegoko nekazaritzaren, arrantzaren eta elikagaigintzaren sektoreko alor zientifiko-teknologikoetan, merkatuetan, marketinean eta enpresa-antolakuntzan garatuko diren I+G+b proiektuetan sartuz eta parte hartuz.

2. artikulua.– Laguntza-programak.

Bi laguntza-programa ezartzen dira:

a) Prestakuntza jasotzen ari diren langile ikertzaileentzako laguntza-programa.

b) Prestakuntza jasotzen ari diren langile teknologoentzako laguntza-programa.

Laguntza-eskatzaileak bi programetarako sarbidea izango du, betiere horietako bakoitzean eskatutako titulu-eskakizunak betetzen baditu. Hala ere, ematen zaion laguntza horietako bakarra garatzeko baino ez da izango.

3. artikulua.– Prestakuntza jasotzen ari diren langile ikertzaileentzako laguntza-programa.

1.– Programa honen helburua da Euskal Autonomia Erkidegoko nekazaritzaren, arrantzaren eta elikagaigintzaren sektorearekin erlazionatutako arloetan doktorego-tesiak egin daitezten bultzatzea, betiere, arlo horietan doktoregoa duten langile gutxi baldin badago eta beharrezkoa bada Euskal Autonomia Erkidegoko egitura zientifiko-teknologikoan doktoreak sartzea, ikerketa-taldeak sendotzeko.

2.– Tesi-proiektua nekazaritzaren, arrantzaren eta elikagaigintzaren sektoreko I+G+b-an esku-mena duen sailak (aurrerantzean, sail eskuduna) estrategikotzat eta lehentasunezkoztat jotako I+G+b proiekturen bati buruzkoa izango da. Lehentasunezkoztat eta estrategikotzat jotako proiektu horiek dagokion urteko deialdiaren aginduaren eranskinean bilduko dira.

3.– Doktoratu aurretik prestakuntza jasotzen ari diren langile ikertzaileen estatutua onartzen duen martxoaren 1eko 103/2019 Errege Dekretua eta Zientzia, Teknologia eta Berrikuntzari buruzko ekainaren 1eko 14/2011 Legea aplikatuko zaizkie laguntza-programa honen onuradunei; izan ere, atxikitze-zentroan sartzen diren egunetik aurrera, lege-dokumentu horien aplikazio-eremuaren barnean geratuko dira.

4. artikulua.– Prestakuntza jasotzen ari diren langile teknologoentzako laguntza-programa.

1.– Programa honen xedea da nekazaritzaren, arrantzaren eta elikagaigintzaren sektoreetan langile teknikari espezializatuak prestatzea, betiere, horiek etorkizunean sektoreko jarduerari (sektoreko enpresa eta elkarten bidez) edota zientzia- eta teknologia-eragileen jarduerari ekin badiezaiokete.

2.– Prestakuntza-jarduera I+G+b proiektu batean garatuko da, eta sail eskudunak estrategikotzat eta lehentasunezkoztat jotako proiekturen bati buruzkoa izango da. Proiektu horiek dagokion urteko deialdiaren aginduaren eranskinean bilduko dira.

5. artikulua.– Atxikitze-zentroak.

1.– Laguntzen xede den proiektua, edonola ere, ondoren aipatzen diren erakunde motekin elkarlanean garatuko da:

a) Langile ikertzaileentzako laguntza-programaren kasuan, Zientzia, Teknologia eta Berrikuntzaren Euskal Sareko teknologia- edo ikerketa-zentroak eta unibertsitateak.

b) Langile teknologoentzako laguntza-programaren kasuan, honako erakunde hauekin:

2021eko martxoaren 31, asteazkena

1) Zientzia, Teknologia eta Berrikuntzaren Euskal Sareko teknologia- edo ikerketa-zentroak eta unibertsitateak.

2) Nekazaritza, elikadura edo arrantzaren sektorean diharduten eta Euskal Autonomia Erkidegoan kokatuta dauden enpresak edo elkarteak, baldin eta arestian adierazitako arloetan prozesu berritzaile bati ekin nahi badiote, lehendik hasita zegoen ildo berritzaile bat indartu nahi badute edo jarduera berritzaile berrien sorkuntza bultzatu nahi badute.

3) Euskal Autonomia Erkidegoko nekazaritzaren, arrantzaren eta elikagaigintzaren sektorean aplikatu beharreko teknologiak diseinatzeko eta garatzeko helburua duten enpresak.

2.– Urteko deialdi bakoitzean, proiektuen zerrenda, horietako bakoitzerako onar daitezkeen titulazioak eta atxikitze-zentroak adieraziko dira.

3.– Atxikipen-zentroek erakunde kolaboratzaile diren aldetik, nahitaez bete beharko dute EAEko Ogasun Nagusiaren Antolarauei buruzko Legearen testu bateginaren VI. titulua (EAEko Administrazio Publikoen laguntzen eta dirulaguntzen araubideari buruzkoa), baita Dirulaguntzei buruzko azaroaren 17ko 38/2003 Lege Orokorrean adierazitakoa ere.

Lankidetzeta-hitzarmen bat formalizatuko da atxikipen-zentroekin, lankidetzeta hori nola gauzatu den arautzeko. Hitzarmenak bete beharko du bai Dirulaguntzei buruzko azaroaren 17ko 38/2003 Lege Orokorrean 16. artikuluan oinarritzako legeri gisa xedatutakoa eta bai azaroaren 11ko 1/1997 Legegintzako Dekretuaren bidez onartutako EAEko Ogasun Nagusiaren Antolarauei buruzko Legearen testu bateginaren 52. artikuluan xedaturikoa.

4.– Ezingo dute atxikitze-zentroaren izaera izan honako hauetan jasotako egoeretako batean edo gehiagotan dauden erakundeak: Dirulaguntzei buruzko azaroaren 17ko 38/2003 Lege Orokorrean 13. artikulua; Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50. artikulua.

6. artikulua.– Pertsona onuradunak.

1.– Laguntzen onuradunak izango dira euskal nekazaritzaren, arrantzaren eta elikaduraren sektorearekin zerikusia duten ikerketa-arloetan doktorego-tesiaren proiektua egiteko edo arlo horietako jarduera zientifiko-teknologikoetan prestakuntza tekniko espezializatua egiteko laguntza lortzen duten pertsona fisikoak.

2.– Ezingo dira dekretu honetan araututako laguntzen onuradun izan honako hauetan jasotako egoeretako batean edo gehiagotan dauden pertsonak: Dirulaguntzei buruzko azaroaren 17ko 38/2003 Lege Orokorrean 13. artikulua, eta Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50. artikulua.

7. artikulua.– Eskatzaileek bete beharreko eskakizunak.

1.– Oro har, bi laguntza-programetarako:

a) Euskal Autonomia Erkidegoko udalerrri batean erroldatuta egotea, gutxienez deialdia argitaratzen den urteko urtarrilaren 1etik aurrera. Dena dela, onartu egingo dira, eskakizun hori bete ez arren, inoiz EAEn erroldaturik egon baina ikasketak Euskal Autonomia Erkidegotik kanpo egin dituzten eskatzaileak.

b) Europako Erkidegotik kanpoko pertsonen kasuan, dagokien egoitza-baimena eduki behar dute.

c) Eusko Jaurlaritzaren barnean nekazaritzaren, arrantzaren eta elikagaigintzaren sektoreetan eskumena duen sailak emandako antzeko beste laguntzaren bat ez jaso izana.

d) Atxikipen-zentroa Espainiatik kanpo badago, eskatzaileek nahiko ondo jakin beharko dute laguntza gauzatzeko zentroa dagoen herrialdeko hizkuntza, edo hura gauzatzeko behar den hizkuntza teknikoa. Beharrezkoa izatekotan, hizkuntzaren ezagutza egiaztatuko beharko dute, bai hizkuntzen Europako erreferentzia-esparru bateratuaren C1 mailaren ezagutza egiaztatzen duten tituluen bidez, bai kalitatearen eta elikagaien industriaren sektoreko zuzendaritza eskudunak (aurreantzean, zuzendaritza eskuduna) egin beharreko proben bidez.

e) Dirulaguntza edo laguntza publikoak eskuratzea eragozten duen zehapen administratiborik edo penalik ez izatea, ezta horretarako legezko inolako debekurik ere, sexu-bereizkeriagatiko debekuak barnean hartuta, bat etorritik Emakumeen eta Gizonen berdintasunerako otsailaren 18ko 4/2005 Legearen azken xedapenetako seigarrenean xedatutakoarekin.

f) Indarrean dauden xedapenek ezartzen dituzten zerga-betebeharrak eta Gizarte Segurantzarekikoak egunean izatea, erregelamenduz zehazten den moduan.

g) Dirulaguntzak itzultzeko betekizunen ordainketak egunean izatea, erregelamenduz zehazten den moduan.

2.– Gainera, baldintza hauek bete beharko dituzte langile ikertzaileentzako prestakuntza-laguntzen eskatzaileek:

a) Doktoregoko Ikasketa Ofizialak Arautzen dituen urtarrilaren 28ko 99/2011 Errege Dekretuaren 6. artikuluan ezarritako eskakizunen barnean, doktoregora sarbidea izateko honako hauetako bat:

1) Espainiako gradu-titulu ofizial bat, edo horien baliokidea den titulu bat, eta unibertsitate-masterraren titulu bat, edo horien baliokidea den titulu bat, izatea, baldin eta bi ikasketa horiek batuta, gutxienez, ETCSko 300 kreditu gainditu badira.

2) Espainiako edo Europako Goi-mailako Hezkuntzaren Esparruko beste herrialde bateko unibertsitate-titulu ofizial bat izatea, masterrarako sarbidea lortzeko gaitzen duena, urriaren 29ko 1393/2007 Errege Dekretuaren 16. artikuluan xedatutakoaren arabera, eta unibertsitate-ikasketa ofizial guztietan 300 ECTS kreditu gainditu izana gutxienez; horietatik, gutxienez 60 kreditu master-mailakoak izan beharko dute.

3) Espainiako gradu-titulu ofizial bat izatea, gutxienez 300 ECTS kredituko iraupena duena, Europako Erkidegoko zuzenbideko arauen arabera. Tituludun horiek arau honen 7.2 artikuluan ezarritako prestakuntza-osagarriak ikasi behar izan dituzte ezinbestean, salbu eta gradu-tituluari dagokion ikasketa-planak barne hartzen baditu ikerketa-prestakuntzako kredituak, master-ikasketetatik datozen kredituen baliokideak direnak, prestakuntza-balioari dagokionez.

4) Unibertsitate-tituludunek, baldin eta, osasun-prestakuntza espezializatuko plazetarako sarbide-proban prestakuntzan plaza lortu ondoren, ebaluazio positiboarekin gainditu badituzte Osasun Zientzietako espezialitatearen bateko titulu ofiziala lortzeko programa baten bi prestakuntza-urte gutxienez.

5) Atzerriko hezkuntza-sistemen arabera lortutako titulu bat izatea, homologatu beharrik gabe, unibertsitateak alde aurretik egiaztatu badu Espainiako unibertsitate-masterreko titulu ofizialaren pareko prestakuntza-maila duela eta titulua eman duen herrialdean doktorego-ikasketak egiteko baliagarria dela. Onarpen horrek ez du inola ere ekarriko interesdunak duen alde aurreko titulua homologatzea, ezta titulu hori aitortzea ere, doktorego-irakaskuntzetara sartzearen ondorioetarako ez bada.

6) Goi-mailako hezkuntzarako kualifikazioen espainiar esparruko 3. mailari dagokion balio-kidetasuna eskuratu duen unibertsitate-titulu ofiziala, azaroaren 21eko 967/2014 Errege Dekretuarekin bat etorritz. Errege-dekretu horrek ezartzen ditu Unibertsitateko titulazio eta ikasketa-maila ofizialarekin homologatzeko eta haren baliokidetzat jotzeko zein ikasketak baliozkotzeko baldintzak eta prozedura, atzerrian egindako goi-mailako ikasketei dagokienez, baita kualifikazioen espainiar esparruaren baitako mailen baliokide direnak zehazteko prozedura ere, arkitekto, ingeniari, lizentziatu, arkitekto teknikoa, ingeniari teknikoa zein diplomadun goi-mailako titulu ofizialei dagokienez.

b) 2. apartatu honetako a) letrako baldintzetako edozein betetzen duen gradu-titulua edo titulu baliokidea lortzeko ikasketak amaituta izatea, eskabideak aurkezteko epea amaitu aurreko bost ikasturte osoak hartzen dituen aldiaren. Honako salbuespen hauek aplikatuko dira:

– Ikasketak amaitzeko epea 7 ikasturte osora luzatuko da luzapen-aldi horretan gutxienez hiru hilabetez 3 urtetik beherako seme-alabak artatzen eta zaintzen aritu diren eskatzaileen kasuan.

– Ikasketak amaitzeko epea 8 ikasturte osora luzatuko da Medikuntza, Farmazia, Biologia, Kimika edo Psikologia lizentziadunentzat, baldin eta eskabideak aurkezteko epea amaitzen den egunean Medikuntzako Espezialitateko titulu ofiziala (BAME) edo Farmaziako Espezialitatekoa (BAFE) badute, edo Biologia, Kimika edo Psikologiako espezialitateetako ziurtagiri ofiziala badute (BABE, BAKE edo BAPE, hurrenez hurren).

3.– Artikulu honetako 1. apartatuan finkatutakoaz gainera, baldintza hauek bete beharko dituzte langile teknologoen prestakuntzarako laguntzen eskatzaileek:

a) Betekizun hauetako bat:

1) Goi-teknikariaren titulua izatea, Lanbide Heziketako goi-mailako heziketa-ziklo bat gainditu delako, Hezkuntzari buruzko maiatzaren 3ko 2/2006 Lege Organikoaren 44.3 artikuluari jarraikiz.

2) Unibertsitate-ikasketa ofizialen antolamendua ezartzen duen urriaren 29ko 1393/2007 Errege Dekretuaren 16. artikuluan masterreko ikasketa ofizialetan sartzeko ezarritako baldintzetako bat betetzea:

2.1.– Espainiako edota Europako Goi-mailako Hezkuntzaren Esparruko beste herrialde bateko goi-mailako hezkuntzako erakunde batek emandako unibertsitate-titulu ofizial bat izatea, baldin eta titulu horrek interesdunari ahalmena ematen badio master-irakaskuntzetarako sarbidea izateko.

2.2.– Goi-mailako Hezkuntzaren Europako Esparrutik kanpoko hezkuntza-sistemen arabera lortutako titulu bat izatea, homologatu beharrik gabe, unibertsitateak alde aurretik egiaztatu badu Espainiako unibertsitate-titulu ofizialen pareko prestakuntza-maila duela eta titulua eman duen herrialdean graduondoko irakaskuntzetara sartzeko balio duela.

b) Amaituta izatea 3. apartatu honetako a) letrako eskakizunetako edozein betetzen duen titulua lortzeko ikasketak, eskabideak aurkezteko epea amaitu aurreko bost ikasturte osoak hartzen dituen aldian. Honako salbuespen hauekin:

– Ikasketak amaitzeko epea 7 ikasturte osora luzatuko da luzapen-aldi horretan gutxienez hiru hilabetez 3 urtetik beherako seme-alabak artatzen eta zaintzen aritu diren eskatzaileen kasuan.

– Ikasketak amaitzeko epea 8 ikasturte osora luzatuko da Medikuntza, Farmazia, Biologia, Kimika edo Psikologia lizentziadunentzat, baldin eta eskabideak aurkezteko epea amaitzen den egunean Medikuntzako Espezialitateko titulu ofiziala (BAME) edo Farmaziako Espezialitatekoa (BAFE) badute, edo Biologia, Kimika edo Psikologiako espezialitateetako ziurtagiri ofiziala badute (BABE, BAKE edo BAPE, hurrenez hurren).

4.– Laguntzen eskatzaileek eskabideak aurkezteko epea bukatu baino lehen bete beharko dituzte artikulu honetan aipatzen diren baldintzak.

8. artikulua.– Langile ikertzaileen prestakuntzarako laguntzen ezaugarriak eta iraupena.

1.– Prestakuntza jasotzen ari diren langile ikertzaileentzako laguntzen kasuan, laguntzak doktoretza-aurreko kontratu baten ezaugarriak izango ditu baliatzeko aldi osoan. Kontratuaren xedea ikerketa-lanak egitea izango da, aukeratutako eta esleitutako proiektuaren esparruan, eta lanaldi osoko erregimenean.

2.– Idatziz egingo dute kontratua atxikitze-zentroak (enplegatzaile gisa) eta prestakuntza jasotzen ari den ikertzaileak (langile gisa), Zientzia, Teknologia eta Berrikuntzari buruzko ekainaren 1eko 14/2011 Legearen 21. artikuluan, doktoratu aurretik prestakuntza jasotzen ari diren langile ikertzaileen estatutua onartzen duen martxoaren 1eko 103/2019 Errege Dekretuan edo horiek ordeztzen duen araudian eta indarreko lan-araudian xedatutakoari jarraikiz.

Enplegatzailearen eta prestakuntza jasotzen ari diren langile ikertzaileen arteko harremana 14/2011 Legean, 103/2019 Errege Dekretuan eta Langileen Estatutuan gai horri buruz xedatutakoaren arabera izango da.

Kontratu horretan % 30eko murrizketa aplikatuko da Gizarte Segurantzari ordaindu beharreko enpresa-kuotan doktorego aurreko kontratuaren bidez kontratatutako langile ikertzailearen kotizazioaren kontingentzia arruntengatik, ekainaren bateko 14/2011 Legearen hemezortzigarren xedapen gehigarrian eta martxoaren 1eko 103/2019 Errege Dekretuaren xedapen gehigarri bakaurrean zehaztutakoaren arabera.

3.– Kontratuak ondoz ondoko lau urteko iraupena izango du.

Hala ere, desgaitasuna duen pertsona batekin sinatzen bada, kontratuak gehienez ere sei urteko iraupena izango du. Kasu horretan, kontuan hartuko dira ikerketa-jardueraren ezaugarriak eta jardueraren garapenean mugek izango duten eragina. Enplegu-zerbitzu publiko eskudunaren aldeko txostena beharko da; horretarako, zerbitzu horrek desgaitasuna baloratzeko eta orientatzeko talde tekniko eskudunen txostena eskatu ahal du. Ondorio horietarako, desgaitasuna izango dute Desgaitasuna duten Pertsonen Eskubideen eta haien Gizarteratzearen Lege Orokorren testu bateginak –azaroaren 29ko 1/2013 Legegintzako Errege Dekretuaren bidez onartua– aurreikusitakoak.

4.– Eskumena duen zuzendaritzak finkatuko du laguntza baliatzen hasteko eguna; halere, alde aurretik eskabide justifikatua egiten bada, egun hori atzeratu ahal izango da, baina inolaz ere ez hiru hilabete baino gehiago.

5.– Dekretu honen 22. artikuluan aurreikusitako uko-egiteen ondorioz onuradun bihurtutako pertsonak laguntza erabat baliatzeko geratzen den denbora-tartean baliatu ahalko dute laguntza, aurreko titularra baliatzen hasi zenetik aurrera.

6.– Langile ikertzailearen kontratuaren iraupenaren zenbaketa eten egingo da aldi baterako ezintasuna, haurdunaldiko arriskua, amatasuna, adopzioa edo harrera, edoskitzaroko arriskua edota aitatasuna gertatzean. Kasu horretan, interesdunak etendako denbora-tartea berreskuratu ahalko du hala eskatzen bada, behin laguntza amaitu eta ez bazaio hari uko egin edo ez bada hura baliogabetu. Hala bada, eskumena duen zuzendaritzak laguntza berreskuratzeko baimena eman beharko dio interesdunari, baldin eta berreskurapena gutxienez hirurogei eguneko denboraldietan egiten bada eta esleitutako aurrekontuak ahalbidetzen bada.

7.– Doktorego titulua eskuratzeak kontratua azkenduko du, nahiz eta haren gehienezko iraupena agortu ez. Ondorio horietarako, ulertuko da doktorego-tesia defendatu eta onartzeko ekitaldiaren egunean doktorego-titulua lortu dela.

9. artikulua.– Langile teknologoentzako prestakuntza-laguntzen ezaugarriak eta iraupena.

1.– Laguntzek dirulaguntzaren izaera izango dute, Dirulaguntzei buruzko azaroaren 17ko 38/2003 Lege Orokorrean eta Euskadiko Ogasun Nagusiaren Antolaraueti buruzko Legearen testu bateginean eta abenduaren 17ko 698/1991 Dekretuan ezarritakoari jarraikiz.

2.– Hogeita lau hilabeteko iraupena izango du laguntzak gehienez, prestakuntza jasotzen ari den langile teknologoa atxikitze-zentrorra sartzen denetik aurrera.

3.– Laguntza baliatzen hasteko eguna eskumena duen zuzendaritzak finkatutakoa izango da; halere, aldezturik eskabide justifikatua egiten bada, egun hori atzeratu ahal izango da, baina inolaz ere ez hiru hilabete baino gehiago.

4.– Dekretu honen 22. artikuluan aurreikusitako uko-egiteen ondorioz onuradun bihurtutako pertsonak baliatu ahalko dute laguntza aurreko onuraduna atxikitze-zentroan sartu zenetik amaitu arte gelditzen den epe osorako.

10. artikulua.– Onuradunen tutoretzak.

1.– Laguntzen onuradunek tutore bat izan beharko dute. Tutore horrek ikerketa, garapen teknologiko edo berrikuntzako proiektuaren garapena edo, hala badagokio, doktorego-tesiaren burutzapena gainbegiratu du eta onuradunak gauzatu beharreko jarduerak zuzenduko ditu.

2.– Prestakuntza jasotzen ari diren langile ikertzaileentzako laguntza-programan, pertsona onuradunaren tutore edo zuzendariak izan daitezke proiektua gauzatzen den ikerketa-zentroarekin lotutako langile ikertzaileak baldin eta proiektu horren ikerketa-taldearen parte badira; beste unibertsitate edo ikerketa-zentro baten aintzatespena duten pertsonak ere izan daitezke tutore edo zuzendari. Laguntzarekin lotutako proiektua doktoregoa gauzatzen den erakundea ez den beste erakunde batean egiten bada, bi tutore eduki beharko ditu pertsona onuradunak: bat, proiektuaren barnean; bestea, unibertsitatearen barnean. Tutoreak derrigorrean eduki beharko du doktorego-titulua, eta atxikitze-zentroak egiaztatu egin beharko du kondizio hori.

3.– Langile teknologoaren prestakuntzarako laguntza-programari dagokionez, prestakuntza enpresa edo elkarte sektorial batean egiten bada, enpresa edo elkarte sektorial horrekin lotutako tutore bat izan beharko du pertsona onuradunak, ikerketa-zentro, teknologia-zentro edo unibertsitate bateko beste tutore batez gain.

II. KAPITULUA

BALIABIDE EKONOMIKOAK ETA ORDAINKETA

11. artikulua.– Baliabide ekonomikoak.

Dekretu honetan arautzen diren laguntzetarako jarritako baliabide ekonomikoak Euskal Autonomia Erkidegoko aurrekontu orokorretan xede horretarako berariaz ezarriko diren aurrekontu-kredituetatik hartuko dira. Laguntzen guztizko zenbatekoa dagokion urteko deialdiaren aginduan jasoarazi beharko da.

12. artikulua.– Laguntzen zuzkidura.

1.– Prestakuntza jasotzen ari diren langile ikertzaileentzako laguntzek eta langile teknologoen-entzako prestakuntza-laguntzek diru-zenbateko finkoa izango dute urtean. Zenbateko hori laguntzen deialdiaren urteko aginduan zehaztuko da, ezarritako aurrekontu-baliabideen arabera.

2.– Prestakuntza jasotzen ari diren langile ikertzaileentzako laguntzek ekainaren 1eko 14/2011 Legearen 21. artikuluan d) letran eta martxoaren 1eko 103/2019 Errege Dekretuaren 7. artikuluan doktoretza-aurreko kontratuetarako ezarritako gutxienezko ordainsari-zenbatekoak errespetatu beharko dituzte. Laguntza horiek bideratuko dira atxikitze-zentroek ordaindu ditzaten langile ikertzaileen ordainsari gordina eta Gizarte Segurantzari ordaindu beharreko enpresa-kuota.

3.– Bi laguntza-programa horien onuradunek, gainera, laguntza osagarri bat izango dute, gastua 14.5 artikuluan ezarrita dagoen bezala justifikatuz gero. Laguntza horren zuzkidura eta erabilgarritasuna ere deialdiaren urteko aginduetan ezarriko dira.

Ekitaldi batean erabili ez den laguntza osagarriaren zenbatekoa hurrengo ekitaldietan baliatu ahal izango da, baldin eta dagokion aurrekontu-programan kreditu egokia eta nahikoa badago.

Laguntza osagarri hori honako gastu hauek ordaintzeko baliatuko da:

- a) Laguntzarekin lotutako unibertsitate-ikastaroetan matrikulatzea.
- b) Laguntzarekin zerikusia duten zientzia-biltzarretara, mintegietara, ikastaroetara eta lan-jardunaldietara joatea.
- c) Beste ikerketa- eta teknologia-zentro batzuetan egonaldiak egitea. Horretarako ezinbestekoa izango da tutorearen edo zuzendariaren adostasuna izatea. Behin-behineko bizilekuari dagokionez, ez dira finantzatuko ez mantenu-gastuak, ez jarduera-zentrora joateko ohiko bidaia-gastuak.

Egonaldi horien helburua izango da jarduera zientifikoaren bidez ikerketa zientifikoaren eta teknikoaren formakuntza hobetzea, ikerketa-proiektuan aplikatzeko teknika berriak ikastea, funts bibliografikoak eta dokumentalak kontsultatzea eta, prestakuntza zientifikoaren eta teknikoaren onerako, tesiaren garapena bultzatzeko edo doktoretza-titulua eskuratzeko lagungarri izan daitezkeen beste edozein jardura egitea.

d) Laguntzarekin lotutako material bibliografikoa.

e) Doktorego-tesiaren aurkezpenarekin lotutako gastuak.

Diruz lagundu daitezkeen gastuen mugak zerbitzuen ondoriozko kalte-ordainei buruzko otsailaren 2ko 16/1993 Dekretuan eta haren ondorengo aldaketetan zehaztutakoak izango dira.

2021eko martxoaren 31, asteazkena

Oro har, finantzarriak diren joan-etorriak garraibide publikoetan egin beharko dira. Edonola ere, inguruabarrak kontuan hartuta, eskuduntza duen zuzendaritzak baimendu dezake ibilgailu partikularretan egitea. Baimen hori emango da, destino-puntura garraio publikoan ailegatzeko zailtasun nabaria dagoela aipatu zuzendaritzak aintzat hartzen badu.

4.– Dagokion deialdi-aginduan ezarritako laguntzaren zenbatekoa aurreko deialdietakoa baino handiagoa bada, eguneratu egingo da dirulaguntzaren xede den jarduera egiten jarraitzen duten aurreko deialdietako onuradunek jaso beharreko zenbatekoa, betiere ordainsari-ekitatearen printzipioaren arabera.

13. artikulua.– Gizarte Segurantza eta aseguruak.

1.– Martxoaren 1eko 103/2019 Errege Dekretuan, urtarrilaren 27ko 63/2006 Errege Dekretuan eta urriaren 24ko 1493/2011 Errege Dekretuan ezarritakoari jarraikiz, bi laguntza-programa horien pertsona onuradunak besteren konturako langiletzat hartuko dira, Gizarte Segurantzako Erregimen Orokorrean barneratuta geratzearen ondorioetarako.

2.– Langile ikertzaileen kasuan, Gizarte Segurantzako Erregimen Orokorreko alta-eskabidea atxikitze-zentroak egingo du; langile teknologoen kasuan, berriz, Eusko Jaurlaritzak; bi kasuetan, interesduna zentroan sartzen den egunetik aurrera izango du alta horrek eragina.

3.– Onuradunek erantzukizun zibileko, istripuetako eta bidaia-laguntzako polizak izango dituzte. Bidaia-laguntzako estaldura hori izango dute jarduera Espainiako Estatutik kanpo egiten bada. Kasu horretan, interesdunek horren berri eman beharko diote zuzendaritza eskudunari, gutxienez 10 egun lehenago, egonaldiaren hasiera-data eta amaiera-data adieraziz. Hori egin ezean, Eusko Jaurlaritzak ez du erantzukizunik izango dagokion aseguru-poliza ez egiteagatik.

14. artikulua.– Ordaintzeko era.

1.– Prestakuntza jasotzen ari diren langile ikertzaileentzako laguntzen kasuan, lan-kontratua gauzatzen denean ordainduko zaie lehen urteko ordainketa osoa atxikitze-zentroe. Hori baino lehen, atxikitze-zentroek kontratuen kopia igorri beharko diote eskumena duen zuzendaritzari, kontratua formalizatu eta hamar egun naturaleko epean. Hurrengo urterokoen ordainketa ekonomia-ekitaldi bakoitzaren hasieran egingo zaie atxikitze-zentroe.

Bigarren, hirugarren eta laugarren urteetako ordainketa egiteko, aurreko ekitaldiko onuradun bakoitzaren dokumentazio hau aurkeztu beharko dute atxikitze-zentroek: nomina, horren ordainagiria, eta RNT-langileen zerrenda nominala eta RLC-kotizazioen likidazioari buruzko agirien ereduak.

2.– Langile teknologoen kasuan, laguntzaren zenbatekoa aldeztatik aurretik ordainduko zaie onuradunei, uneko urteko hiruhileko bakoitzean, lehenengo eta azken ordainketak izan ezik; horiek hainbanatuta egingo dira, baldin eta aldia ez badator bat uneko urteko hiruhileko batekin. Edonola ere, lehenengo ordainketa atxikitze-zentroan sartu eta lehenengo bi hilabeteetan egingo da.

3.– Laguntzaren zenbatekoa urteko deialdiaren agindu bakoitzean ezarriko da, hargatik eragotzi gabe 12. artikuluko 2. eta 4. paragrafoetan ezarritakoa.

4.– Finantzaketarako eman zion laguntza iraungi edo deuseztatzen bada, inbertitu ez diren funtsak itzuli egin beharko dira.

5.– Eskumena duen zuzendaritzak urteko bi ordainketatan likidatuko dizkie laguntza osagarriak onuradunei, oro har, urte bakoitzaren erdialdean eta amaieran, ordainketa egin eta ordainketaren

frogagiriak aurkeztu ostean, tutorearen oniritzia derrigorrezkoa izanik. Horretarako, interesdunek egunean izan beharko dituzte 25. artikuluan ezarritako betebeharrak.

6.– Eskumena duen zuzendaritzak egiaztatzen badu onuraduna ez dela ari aurreikusitako moduan garatzen proiektua, laguntzaren itzulketari hasiera emango dio, eta laguntza baliogabetu egingo du hura baliatzeko geratzen den denbora-tarterako, betiere interesdunari entzunaldia egin eta dagokion espedientea bideratu ondoren, Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Errege Dekretuaren 53. artikuluan eta abenduaren 17ko 698/1991 Dekretuan xedaturikoari jarraikiz.

III. KAPITULUA

DEIALDI- ETA EMAKIDA-PROZEDURA

15. artikulua.– Deialdia.

1.– Laguntzen urteko deialdia eskumena duen saileko titularrak emandako agindu bidez egingo da; agindu hori Euskal Herriko Agintaritzaren Aldizkarian eta Euskal Autonomia Erkidegoko Administrazio Publikoaren egoitza elektronikoa argitaratuko da.

2.– Deialdiaren aginduak honako hauek jasoko ditu, gutxienez:

a) Baliagarri dagoen aurrekontu-kreditua.

b) Programa bakoitzerako deitutako laguntzen kopurua eta zuzkidura ekonomikoa.

c) Eskabideak aurkezteko epea.

d) Hautaketa-batzordearen osaera.

e) Deialdi horretan langile ikertzaileen eta langile teknologoaren prestakuntzarako estrategikotzat eta lehentasunezko harturiko I+G+b-ko jarduketa-proiektuen zerrenda, atxikitze-zentroen zerrenda eta proiektu bakoitzerako onartutako tituluak edo ikerketa-arloak biltzen duen eranskina. Ikerketa-arloak dira ezagutzen, gaitasunen eta trebetasunen muin komun baten inguruan, proiektuaren atazak betetzeko Administrazioak beharrezkotzat jotzen dituen unibertsitateko titulazio ofizialen multzoak.

16. artikulua.– Prozedura bideratzea eta eskabideak onartzea.

1.– Prozedura bideratzeko eginkizuna elikagaien kalitatean eta industrian eskumenak dituen zuzendaritzari dagokio.

2.– Administrazio Publikoaren Administrazio Prozedura Erkidearen urriaren 1eko 39/2015 Legearen 14.3 artikuluan eta Administrazio Elektronikoari buruzko otsailaren 21eko 21/2012 Dekretuan xedatutakoari jarraikiz, eskatzaile guztiek laguntza-eskabideak telematikoki aurkeztuko dituzte, egoitza elektronikoa bidez. Eskabideak aurkeztuko dira euskadi.eus egoitza elektronikoa sartuta, urteko deialdirako aginduan ezarritako helbideen bidez. Halaber, ondorengo izapide guztiak ere elektronikoki egingo dira, urteko deialdirako aginduan ezarritako helbideen bidez.

3.– Eskaeraren inprimaki-eredua eskumena duen saileko titularrak onartuko du dekretu honen 15. artikuluan aipatzen den urteko deialdirako aginduan. Inprimaki-ereduak jaso beharko ditu, gutxienez, Administrazio Publikoaren Administrazio Prozedura Erkidearen urriaren 1eko 39/2015 Legearen 66. artikuluan aipatzen diren betekizunak.

4.– Eskabidearekin batera, urteko deialdiaren aginduan ezar daitekeen beste edozein dokumentuz gain, honako dokumentu hauek ere aurkeztuko dira:

a) Egiaztagiri akademiko osoa, hautagaiak lortutako kalifikazio guztiak eta horiek eskuratu zituen egunak adierazita.

b) Curriculumuma eta bertan aipatzen diren merezimenduak egiaztatzeko egiaztagiria edo/eta ziurtagiriak.

c) Laguntza-proiektu horiek zergatik aukeratu diren justifikatzeko txosten laburra (bost orrialde, gehienez); txosten horretan interesdunak dagokion gaiari buruz zer dakien azaldu beharko da, haren profil akademikoa eta profesionala aukeratutako gaiari egokitzen zaiola justifikatzen duten merezimendu pertsonalak deskribatzeaz gain.

d) Beharrezkoa bada, dekretu honen 7. artikulua 2.b) eta 3.b) apartatuetan egindako salbuespenak egiaztatzeko agiri ofizialak.

e) Eskatzailearen erantzukizunpeko adierazpena, hau guztia adierazteko:

– Ez duela dirulaguntza edo laguntza publikoak jasotzea eragozten dion zehapen penalik zein administrazio-zehapenik, eta ez duela horretarako legezko inolako debekurik, sexu-bereizkeriagatiko debekuak barne, bat etorri Emakumeen eta Gizonen Berdintasunerako otsailaren 18ko 4/2005 Legearen azken xedapenetako seigarrenean ezarritakoarekin.

– Ez duela Dirulaguntzei buruzko azaroaren 17ko 38/2003 Lege Orokorren 13. artikuluan ezarritako gainerako debekurik, ezta Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50. artikuluan ezarritako debekurik ere.

5.–Administrazio Publikoen Administrazio Prozedura Erkidearen urriaren 1eko 39/2015 Legearen 28. artikuluko 2. apartatuan xedatutakoari jarraikiz, eskabidea aurkeztuz gero, eskatzaileak baimena emango du zuzendaritza eskudunak zuzenean eskuratu ditzan zerga-betebeharrak eta Gizarte Segurantzarekiko betebeharrak bete dituela egiaztatzen duten dokumentuak, nortasun-agiria, titulazioa, errolda-agiria eta egoitza-baimena dagokion kasuetan. Hala ere, eskatzaileak tratamendu horren aurka egin dezake, baina, kasu horretan, adierazitako dokumentazioa aurkeztu beharko du.

6.– Eskabidea eta aurkeztu beharreko dokumentazioa aukeraturiko hizkuntza ofizialean aurkeztu ahalko dira. Halaber, laguntza eskabidetik eratorritako izapideetan, eta dirulaguntzak esleitzeko prozedura osoan zehar, eskatzaileak aukeratutako hizkuntza erabiliko da euskararen erabilpena arautzen duen azaroaren 24ko 10/1982 oinarriko Legearen xedatutakoaren arabera.

7.– Eskabidea eta derrigorrezko gainerako dokumentazioa aztertu eta ikusten bada akatsen bat dagoela edo dokumentazioa ez dagoela osorik, Administrazio Publikoen Administrazio Prozedura Erkidearen urriaren 1eko 39/2015 Legearen 68. artikuluan eskabideak zuzentzeko ezartzen diren arauak aplikatuko dira.

8.– Aurkeztutako eskabidea behar bezala ulertu eta ebaluatzeko beharrezkotzat jotako informazio eta/edo dokumentu osagarri oro eskatu ahal izango dio zuzendaritza eskudunak eskatzaileari.

17. artikulua.– Ebaluazioa.

Norgehiagoka-prozedura baliatuko da dekretu honetan araututako laguntzak emateko, publikotasunaren, gardentasunaren, objektibotasunaren, berdintasunaren eta ez-diskrimina-

zioaren printzipioen arabera, betiere eraginkortasun eta efizientziaz; halaber, azaroaren 17ko 38/2003 Legean ezarritakoari jarraituko zaio, bat etorriaz Euskal Autonomia Erkidegoko Ogasun Nagusiaren Antolarauerei buruzko Legearen testu bategina onartzen duen azaroaren 11ko 1/1997 Legegintzako Dekretuaren 51.4 artikuluaarekin.

18. artikulua.– Hautaketa-batzordea.

1.– Eskabideak aztertzeaz eta ebaluatzeaz arduratuko den hautaketa-batzordea eratuko da. Hautaketa-batzordea sail eskudunari atxikitako hiru kidek osatuko dute. Horietako kide bat ikerketa-programen arduraduna izango da, eta beste biak zuzendaritza eskuduneko pertsonal teknikoaren artetik aukeratuko dira. Urteko deialdiaren aginduan ezarriko da batzordearen osaera, eta idazkaria eta presidentea izendatuko dira, hurrenez hurren.

Hautaketa-batzordeak adituen edo aholkularien laguntza izan ahalko du. Aditu edo aholkulari horiek beren espezialitate teknikoen jardutera mugatuko dira, eta hitza izango dute baina botorik ez.

Hautaketa-batzordeko kideak izendatzean, ahaleginak egingo dira gizonen eta emakumeen arteko oreka egoteko. Halaber, ahaleginak egingo dira Euskal Autonomia Erkidegoko bi hizkuntza ofizialetan nahikoa gaitasun izan dezaten.

2.– Hautaketa-batzordeak, egokitzat jotako jarduketa guztiak ofizioz egin ondoren, eta laguntza-modalitate baterako eta besterako proiektu bakoitzeko hautagaiak aukeratu eta puntuatu ondoren, ebazpen-proposamen bat egingo du idatziz. Laguntzen emakidari buruz ebatziko duen organo gisako eskumena duen zuzendaritzaren titularrari zuzenduta egongo zaio ebazpen-proposamen hori.

19. artikulua.– Eskabideak baloratzeko irizpideak.

Bi fasetan egingo da pertsona onuradunen hautaketa:

1.– Lehenengo fasea.– Merezimenduen balorazioa.

Gehienez ere, 25 puntu emango dira. Hautaketaren hurrengo fasera igaroko dira proiektu bakoitzerako lehen hamar postuetan geratu diren pertsonak, lehenengo fasean lortutako lehen-tasun-ordenaren arabera.

Merezimenduak dagozkien ziurtagirien bitartez egiaztatu beharko dira, eta honako baremo honen arabera baloratuko dira:

a) Espediente akademikoa: gehienez 10 puntu, honela banatuta:

– Nahikoa: 4.

– Oso ongi: 7.

– Bikain: 8.

– Ohorezko matrikula: 10.

b) Eskatzailearen curriculum eta hura laguntzaren xede den gaira zer heinetan egokitzen den. Gehienez 10 punturekin baloratuko dira honako hauen ziurtagiriak:

1) Unibertsitate-ikasketekin lotutako gaien gaineko espezializazio-ikastaroak egitea, betiere 20 ordutik gorako iraupena badute, bertaratze- edo aprobetxamendu-ziurtagiria ekarrita; ikasta-

roaren ordu kopurua bildu beharko du ziurtagiri horrek, behean zehaztutako balorazioarekin. 5 puntu lortu ahalko dira gehienez.

- 21-50 ordu: 1 puntu ikastaro bakoitzeko.
- 51-100 ordu: 1,5 puntu ikastaro bakoitzeko.
- 101-299 ordu: 2,5 puntu ikastaro bakoitzeko.
- 300 ordu edo gehiago: 3 puntu ikastaro bakoitzeko.

2) Lortu nahi duen proiektuarekin zerikusia duten praktikak egitea; 2,5 puntu emango dira gehienez, honako baremo honen arabera:

- Unibertsitatean edo/eta Zientzia eta Teknologiako Euskal Sareko edozein teknologia-zentrotan praktikak egiteagatik, 1,5 puntu emango dira gehienez. Hilabeteko gutxieneko iraunaldia frogatzen duen ziurtagiria ekartzen bada baino ez dira puntuatuko, eta praktikan emandako hilabete bakoitzeko 0,10 puntu emango dira.
- Nekazaritzaren, abeltzaintzaren, basozaintzaren, arrantzaren eta elikagaigintzaren sektoreetako enpresetan praktikak egin izana baloratuko da: gehienez puntu 1. Hilabeteko gutxieneko iraunaldia frogatzen duen ziurtagiria ekartzen bada baino ez dira puntuatuko; praktikan emandako hilabete bakoitzeko 0,05 puntu emango dira.

3) Proiektuaren xedearekin lotutako zientzia-argitalpenetan parte hartzea eta/edo biltzarretara joatea; 1,5 puntu emango dira gehienez, baremo honi jarraikiz:

- Biltzarretara joatea: 0,25.
- Biltzarretako komunikazioak: 0,5.
- Argitalpenak: gehienez 0,75, banakako edo taldeko argitalpenak diren kontuan hartuta

4) Titulazio osagarria izateagatik puntu 1 emango da gehienez:

- Langile ikertzaileen kasuan, baloratuko da laguntzaren xedearekin lotutako bigarren unibertsitate-titulu bat izatea.
- Langile teknologoien kasuan, baloratuko da laguntzaren xedearekin lotutako bigarren titulu bat izatea, deialdian eskatutako maila berekoa edo handiagoa.

c) Ingelesa, alemana edo frantsesa jakiteagatik, 2 puntu gehienez, Hizkuntzen Europako Erreferentzia Esparru Bateratuan hizkuntzen jakintza frogatzen duten tituluaren arabera honako banaketa honi jarraikiz:

- B-2: puntu 1.
- C-1: 1,5 puntu.
- C-2: 2 puntu.

d) Euskara-mailagatik, gehienez 3 puntu, Hizkuntzen Europako Erreferentzia Esparru Bateratuan euskararen jakintza frogatzen duten tituluaren arabera beheko banaketari jarraikiz; honako hauetan dago bilduta: Euskararen jakite-maila egiaztatzen duten tituluak eta ziurtagiriak balio-kidetu, eta Hizkuntzen Europako Erreferentzia Marko Bateratuko mailekin parekatzeko den azaroaren 9ko 297/2010 Dekretua; Euskaraz egindako ikasketa ofizialak aintzat hartzeko eta eus-

kara-maila hizkuntza-tituluen eta ziurtagirien bidez egiaztatzenetik salbuesteko den apirilaren 3ko 47/2012 Dekretua:

- B-2: 1,5 puntu.
- C-1: 2,5 puntu.
- C-2: 3 puntu.

Puntu-berdinketaren kasuan, espediente akademikoan puntuazio handiagoa lortu izana baliatuko da berdinketa hausteko irizpide gisa.

2.– Bigarren fasea.– Elkarrizketa pertsonala.

Lehenengo fasean lortutako lehenetasun-ordenaren arabera proiektu bakoitzerako lehen hamar postuetan geratu diren pertsonak bigarren fasera igaroko dira; bigarren fasean elkarrizketa bat egingo zaie pertsona horiei, ea hautagai bakoitzaren profila hautaturiko ikerketa-proiektuaren xedera egokitzen den aztertzeko eta ebaluatzeko (10 puntu gehienez), behean adierazitako irizpideen arabera. Bigarren fase horren puntuazioa arrazoituta egongo da Batzordearen aktetan, eta lehenengo fasean lortutakoari erantsiko zaio:

– Eskabidean aurkeztutako memoriaren defentsa eta argudiaketa, laguntzaren xede den gaiari buruz frogatutako jakintza neurtuta: 6 puntu gehienez.

– Proiekturako hautagaiaren trebetasun- eta jarrera-profilaren egokitzapena. Irizpide horren haztapena egiteko, aukeratutako proiektua, eskatzen dituen abileziak eta hautagaiak elkarrizketan erakutsitako abileziak hartuko dira kontuan: 4 puntu gehienez.

Bi fase horiek amaitu ostean, bi faseetan lortu daitezkeen guztirako 35 puntuetatik gutxienez 15 puntu lortzen dituzten pertsonak gaindituko dute hautaketa-prozesua; hortik aurrera, hautaketa-batzordeak lehenetasun-ordena ezarriko du hautagaien artean.

20. artikulua.– Ebazpena.

1.– Hautagaien ebaluazioa egin ondoren, eta hautaketa-batzordearen ebazpen-proposamena aztertu eta gero, proiektu bakoitzerako puntuaziorik altuena lortu duten pertsonei laguntzak esleitzeko ebazpena emango du zuzendaritza eskudunaren titularrak. Eskabidean ipinitako lehenetasun-ordena loteslea izango da.

2.– Ebazpena emateko gehieneko epea sei hilabetekoa da, deialdiaren agindua argitaratu eta hurrengo egunetik aurrera. Epe horretan ez bada ebazpenik eman eta jakinarazi, eskabideak gaitzetsi egin direla ulertu ahalko da, Administrazio Publikoen Administrazio Prozedura Erkidearen urriaren 1eko 39/2015 Legearen 25. artikuluan ezarritakoari jarraikiz, eta Administrazioak berariaz ebazteko duen betebeharrari utzi gabe.

3.– Hautaketa-batzordeak egindako ebazpen-proposamena loteslea izan ez arren, hortik ateratzen den esleipen-ebazpenak erabaki hori funtsatu behar du.

4.– Laguntzak esleitzeko ebazpenak hauek bildu beharko ditu, programa bakoitzerako eta dagokien puntuazioekin: laguntza esleitu zaien hautagaien zerrenda; laguntzari uko egiten zaion edo laguntza onartzen ez den kasuetarako, ordezkoen zerrenda; eta baztertutako eskabideen zerrenda, baztertze horiek eragin dituzten arrazoiak zehaztuta.

5.– Laguntzen onuradunen zerrenda Euskal Herriko Aldizkari Ofizialean argitaratuko da, eta argitalpen horrek jakinarazpen gisa balioko du. Argitalpenaz gain, interesdun bakoitzari banan-banan

jakinaraziko zaio ebazpen osoa, baina kasuan kasuko pertsonari berariaz eragiten dioten alderdiak identifikatuta agertuko dira. Nolanahi ere, lehenengo egin den jakinarazpenaren data joko da jakinarazpen-datatzat.

6.– Laguntza emateko edo ukatzeko ebazpenaren aurka, gora jotzeko errekurtsioa aurkeztu ahal izango dio interesdunak nekazaritzan, arrantzan eta elikadura-politikan eskumena duen sailburuordeari, hilabeteko epean ebazpenaren jakinarazpena argitaratzen edo jasotzen duenetik aurrera, edo edozein momentutan, administrazio-isiltasunaren ondorioak izan eta biharamunetik aurrera, Administrazio Publikoen Administrazio Prozedura Erkidearen urriaren 1eko 39/2015 Legearen 122. artikuluan xedaturikoaren arabera.

IV. KAPITULUA

LAGUNTZA ONARTZEA, HARI UKO EGITEA ETA BATERAEZINTASUNAK

21. artikulua.– Onarpena.

1.– Laguntza esleitu zaiolako jakinarazpena jaso eta hurrengo hamar egun balioduneko epean, hautatutako pertsonak laguntza onartzeko agiria aurkeztu behar dute zuzendaritza eskuduneari.

2.– Onarpen-agiria ezarritako epean bidaltzen ez bada, hautatutako pertsonak emandako laguntzari uko egiten diola ulertuko da; laguntza hartzeko eskubidea galdu dela aitortu beharko da, eta berarentzat laguntzarako prozedura amaitu dela adierazi beharko da. Kasu horretan, emakida-ebazpenean jasotako ordezkoren zerrendan lehenengo postuan dagoenari emango zaio. Nolanahi ere, eskabidean ezarritako proiektuen lehentasun-ordena loteslea izango da.

3.– Onuradunak laguntza onartzen duenean, hori emateak eta hortaz baliatzeak ez du inolaz ere esan nahi kontratu edo estatutu bidezko harremanik dagoenik onuradunaren eta Euskal Autonomia Erkidegoko Administrazioaren artean. Ez du esan nahi, ezta ere, onuraduna atxikita geratuko zaion zentroak edo enpresak –proiektua garatzekoak– geroago pertsona hori plantillan sartzeko inolako konpromisorik hartu behar duenik.

22. artikulua.– Laguntzari uko egitea eta aldi baterako etetea.

1.– Onuradunak laguntzari uko egiten badiu, harengatik jasotako kopuru ekonomikoetako batzuk galduko ditu. Itzuli beharreko zenbatekoa garatzeke geratzen den laguntza-denboraldia kontuan izanik kalkulatu da, baldin eta onuradunak jada kobratu badu denboraldi horri dagokion dirua. Nolanahi ere, laguntzari uko egin arte egindako jardueren memoria bat aurkeztu beharko du onuradunak.

2.– Laguntzari uko egiten bazaio prestakuntza-jardueran hasi eta lehenengo hiru hilabeteetan, ordezeko hautagaia izendatuko da onuradun, dekretu honen 8. artikulua 5. apartatua eta 9. artikulua 4. apartatua adierazten den moduan, laguntza baliatzeko geratzen den denboraldirako.

3.– Laguntzari lehenengo hiru hilabeteak igaro ondoren egiten bazaio uko, zuzendaritza eskudunak baloratuko du ea komeni den beste onuradun bat izendatzea ordezkoren zerrendatik, laguntza baliatzeko geratzen den denbora-tartea kontuan hartuz.

4.– Laguntzaren onuradunen batek 23. artikulua ezarritako bateraezintasuna dakarren lan-jardueraren bat egiteko asmoa badu, proiektuaren zuzendariak edo tutoreak txostena egin ondoren, laguntza jasotzeari eta dagokion proiektua gauzatzeari dagokienez aldi baterako etenaldia egitea

2021eko martxoaren 31, asteazkena

eskatu ahal izango du, eta aldi horretan ez du laguntzari dagokion ordainsaria jasoko. Lan-arrazoiengatik laguntza etetea sei hilabeterako baimendu ahal izango da gehienez laguntza osorako.

5.– Laguntzaren onuradunak aldi batez laguntza etetea eskatu ahal izango du ezinbestek bultzatuta; zuzendari eskudunak ebazpen bidez aitortu beharko du ezinbeste hori, eta aurreko paragrafoan ezarritako sei hilabete muga izango du gehienez laguntza osorako.

23. artikulua.– Bateriaezintasunak.

1.– Dekretu honen eraginpeko laguntza baliatzea ez da bateragarria izango, inolaz ere, pertsona onuradunaren eta erakunde edo enpresa publiko nahiz pribaturen baten arteko kontratu- edo estatutu-loturaren bat dakarren ordaindutako ezein lanekin.

2.– Laguntza bateragarria izango da atxikitze-zentroz besteko zentzoren batean aldi batez egoteko jasotako laguntzekin, baldin eta gainfinantzaketarik ez badago, egotzitako gastuen bikoiztasuna dela eta. Zuzendaritza eskudunari eman behar zaio egoera horren berri.

3.– Zuzendaritza eskudunak baimena eman diezaioke onuradunari irakaskuntza-lanen (ikas-taroak, biltzarrak edo mintzaldiak) edota ikerketa-lanen (liburuak, artikulua edo erakusketak) ondorioz dirua jasotzeko, baldin eta lan horiek zuzeneko lotura badute onuraduna egiten ari den proiektuarekin; nolana ere, aldian behingoak izan behar dute halako lanek, eta ez ohikoak. Jasotako zenbateko horiek ezin dute gainditu laguntzaren urteko zenbateko gordinaren % 30.

4.– Halaber, prestakuntza jasotzen ari diren langile ikertzaileen kasuan, laguntzen hastapen- eta ikerkuntza-izaera kontuan izanik, langile ikertzaileentzako dekretu honetan araututako beste prestakuntza-laguntza bat ezin jasotzea eragingo du laguntza amaitzeak edo hari uko egiteak.

V. KAPITULUA

ESKUBIDEAK, BETEBEHARRAK ETA EZ-BETETZEAK

24. artikulua.– Onuradunen eskubideak.

1.– Ikerketa-proiektua gauzatzeko behar duten lankidetzak eta laguntza jasotzea atxikitze-zentrotik, zentro horrek ahal duen neurrian.

2.– Atxikitze-zentroan integratuta egotea, eta bertan parte hartzea, zentroaren funtzionamendu-araubideak ezarrita duen moduan.

3.– Atxikitze-zentroko funtzionamendu-araubideak ematen dizkion opor-erregimena, lizentziak eta baimenak baliatzea.

4.– Egin duen ekarpenarekin bat etorrira, interesdunak ikerketa-esparruan gauzatu duen prestakuntza-jardueraren ondorioz sortutako jabetza intelektualaren eskubideez baliatzea, apirilaren 12ko 1/1996 Legegintzako Errege Dekretuak onartutako Jabetza Intelektualaren Legearen testu bateginak ezarritakoari jarraikiz. Eskubide horiek ez dute egindako ikerketak sorraraz ditzakeen beste eskubide batzuekiko menpekotasunik izango; gainera, horiekin bateragarriak eta metagarriak izango dira. Horrek ez du eraginik izango lan kolektibotik eratorritako baldintzatzaileetan, prestakuntza jasotzen ari diren langileak ikerketa-proiektu kolektibo batean parte hartzen ari direnean edo horri lotuta daudenean.

5.– Industria-jabetzaren gaineko eskubideei dagokionez, dagokion deialdiak xedatutakoa hartuko da kontuan, Patenteei buruzko uztailaren 24ko 24/2015 Legearen esparruan; gainera, hala

badagokio, Ikerkuntza-erakunde publikoetan egindako asmakizunak ustiatzeari eta lagatzeari buruzko urtarilaren 18ko 55/2002 Errege Dekretuan xedatutakoa bete beharko da. Aipatutako eskubide horiek ez dute, inola ere, soldata-izaera izango.

6.– Prestakuntza jasotzen ari diren langile ikertzaileen kasuan, ekainaren 1eko 14/2011 Legearen 14. artikuluan aitortzen zaizkion guztiak eta martxoaren 1eko 103/2019 Errege Dekretuaren 12. artikuluan aitortzen zaizkion guztiak.

7.– Ezarpen-zentroak onartzen dizkien eskubide guztiak, baldin eta bateragarriak badira deialdi honetan xedatutakoarekin.

25. artikulua.– Onuradunen betebeharrak.

1.– Onuradunak laguntza onartzeak honako betebeharrak bere gain hartzea dakar berekin:

a) Laguntzaren xedea esleitutako proiektuaren arabera garatu beharko da, proiektua gauzatzen ari den zentroan ezarritako erregimenari eta diziplinari eutsiz.

b) Prestakuntza-urte bakoitzaren lehen sei hilekoa igaro ondoren proiektuaren helburuak bete zeari buruzko txostenak aurkeztu beharko zaizkio eskumena duen zuzendaritzari. Txosten horiek laguntzaren zuzendariaren edo tutorearen oniritzia izan beharko dute.

c) Prestakuntza-urte bakoitzaren azken hilabetea baino lehen honako hauek aurkeztea: batetik, urteko txostena (hamar orrialde, gehienez), igarotako urtean egindako jardueren laburpenarekin; bestetik, hurrengo urterako lan-plangintzaren txostena (bost orrialde, gehienez), helburuen zehaztapena eta metodologia jasoko dituen, eta baita denborazko plangintzaren eskema ere. Bi txosten horiek proiektuaren zuzendariaren edo tutorearen oniritzia izan beharko dute.

d) Lanaren emaitzak argitaratu badira, eskumena duen organoari bidaliko zaizkio lan horien separata edo kopiak. Halaber, onuradunak laguntza-programaren onuradun dela adierazi beharko du laguntzak irauten duen bitartean egindako argitalpen guztietan, doktorego-tesia barne.

e) Erakunde batzuentzat diharduela kontuan hartuta, prestakuntza-jarduera gauzatzeko orduan erakunde horien izenak erabiltzea, atxikitze-zentroen barne-araudien eta horiek sinatutako akordio eta hitzarmenen arabera.

f) Laguntza ematea eragin zuten hasierako baldintzetan aldaketaren bat gertatuz gero edo diruz lagundutako jarduketan xedea edo izaera erroitik aldatzen duen gertakariaren bat sortuz gero, eskumena duen zuzendaritzari eta atxikitze-zentroari aldaketa horien berri ematea.

g) Eskumena duen sailari laguntzaren xede diren jardueren berrikuspenean, ikuskaritza, jarraipena eta kontrola egiten laguntzea.

h) Kontrol Ekonomikoko Bulegoak eta Herri Kontuen Euskal Epaitegiak laguntzen zertarakoaren fiskalizazio-funtzioak betetze aldera eskatutako informazio guztia ematea.

i) Dirulaguntzei buruzko azaroaren 17ko 38/2003 Lege Orokorraren 14. artikuluan eta Euskal Autonomia Erkidegoko Ogasun Nagusiaren Antolaraueti buruzko Legearen testu bategina onartzen duen azaroaren 11ko 1/1997 Legegintza Dekretuaren 50.2 artikuluan ezarritako betebeharrak orokorrak betetzea.

j) Langile ikertzaileen kasuan, gainerako betebeharrak betetzea:

j.1.– Ekainaren 1eko 14/2011 Legearen 15. artikuluan eta martxoaren 1eko 103/2019 Errege Dekretuaren 11. eta 13. artikuluetan ezartzen diren betebeharrak.

j.2.– Prestakuntza jasotzen ari diren langile ikertzaileentzako laguntzen kasuan, onuradunak egiaztatu beharko du unibertsitateko doktorego-programaren batean onartua izan dela, programa horren ardura duen unitateak edo, hala badagokio, doktorego-eskolak edo graduondokoak emandako idazkiaren bidez. Ikertzaileen eta atxikitze-zentroaren artean idatziz egingo den kontratuarekin batera aurkeztuko da onarpen-idazkia.

j.3.– Urtero eta dagokion urtean egiaztatzea doktorego-programan matrikulatuta dagoela.

j.4.– Urtero aurkeztea doktorego-programaren edo, hala badagokio, doktorego-eskolaren batzorde akademikoak egindako txostena, garatutako jarduera baliozkotzen duena.

j.5.– Eskumena duen zuzendaritzari, defendatzeko doktorego-tesia aurkeztu ondoren, horren kopia bidaltzea.

2.– Pertsona onuradunak eskusiboki jardun behar du proiektuan. Hala eta guztiz ere, prestakuntza jasotzen ari diren langile ikertzaileek, beren jarduera unibertsitate batean gauzatzen badute, doktoretza aurreko kontratuaren iraupen osoan zehar gehienez ere 180 ordu eman ahalko dute irakaskuntza-lanetan, ezin izango dutelarik urte bakoitzeko 60 ordu baino gehiago eman; nolana ere, irakaskuntza-lanek ezin dute inolaz ere ahuldu laguntzaren ikerketa- eta prestakuntza-helburua.

3.– Edonola ere, zuzkidura ekonomikoak jasotzeko, prestakuntza jasotzen ari den ikertzaileak bere betebeharrak bete beharko ditu. Betebehar horiek ez badira betetzen, laguntza baliogabetzeko dagokion prozedura bideratu ahal izango da eta, hala badagokio, baita laguntza itzultzeko prozedura ere.

4.– Dekretu honetako laguntzen onuradunei ez zaie laguntzarik emango eta emandakoa ez zaie ordainduko, baldin eta EAEko Administrazio Orokorrak eta haren erakunde autonomoek emandako izaera bereko laguntzen edo dirulaguntzen esparruan itzultze- edo zehapen-prozeduraren bat hasi bada eta prozedura hori oraindik izapidetzen ari bada.

26. artikulua.– Atxikitze-zentroaren betebeharrak.

1.– Atxikitze-zentroak honako betebehar hauek izango ditu, oro har:

a) Zuzendaritza eskudunari jakinaraztea, baldin eta laguntza emateko hasierako egoerari uko egiten bazaio edo egoera hori eten edo aldatzen bada, edo bateraezintasuna eragiten duen jazoeraren bat gertatuz gero; laguntzaren xedea normaltasunez betetzea eragoz dezaketen gainerako gorabeheren berri ere eman beharko da.

b) Langile onuradunei behar duten laguntza ematea, eta dagokien jarduera ongi gauzatzeko behar dituzten bitartekoak, tresnak edo ekipoak erabiltzeko aukera ematea.

c) Programa behar bezala garatzen ari dela egiaztatzea, kontuan izanik onuradunari ezin zaiola eskatu laguntzaren ikerketa-helburua, zientzia eta teknologia- helburua eta prestakuntza-helburua desitxuratzen duen beste ezein jarduera egitea.

d) Langile ikertzaileei edo teknologoei aukera ematea hori ikertzen ari den sailetan, institutuetan eta erakunde publiko edo pribatuetan integratzeko.

e) Zuzendaritza eskudunak, Kontrol Ekonomikoko Bulegoak eta Herri Kontuen Euskal Epaitegiak laguntzen erabileraren fiskalizazio-funtzioak betetze aldera eskatutako informazio guztia ematea.

2021eko martxoaren 31, asteazkena

f) Tratu-berdintasunaren, aukera-berdintasunaren eta langileen aniztasunarekiko eta desberdintasunarekiko errespetuaren printzipioak betetzea, Emakumeen eta Gizonen Berdintasunerako otsailaren 18ko 4/2005 Legean ezarritakoarekin bat etorritz.

g) Dirulaguntzei buruzko azaroaren 17ko 38/2003 Lege Orokorraren 14. artikuluan ezarritako betebeharrak.

h) Izenpetutako hitzarmenetan ezarritako konpromisoak betetzea.

2.– Prestakuntza jasotzen ari diren langile ikertzaileen kasuan, ezarritako lan-harremanaren ondoriozko betebeharrak alde batera utzi gabe:

a) Laguntzaren onuradun den langile ikertzaileari lan-kontratua egitea, Zientzia, Teknologia eta Berrikuntzari buruzko ekainaren 1eko 14/2011 Legeak horren inguruan ezartzen duenari jarraikiz, indarreko laneko legediaren arabera, eta agindu honetan zehaztutako iraupenarekin, ordainsariekin eta gainerako betekizunekin.

b) Zuzendaritza eskudunari igortzea langile onuradunekin sinatutako kontratuen kopia bana.

27 artikulua.– Azterlanen argitalpena.

1.– Laguntza-programa honen esparruan egindako azterlanak eta lanak argitaratu ahal izango ditu eskumena duen sailak, onuradunaren eta proiektua garatu deneko zentroaren adostasunarekin.

2.– Onuradunak zuzendaritza eskudunari bidali beharko dio egindako ikerketa-lanaren ondoriozko artikulua, biltzarretarako komunikazio eta gainerako argitalpen guztien kopia bana. Argitalpen horietan guztietan jaso beharko da laguntza-programaren bidez Eusko Jaurlaritzaren finantzaketa jaso duela.

28. artikulua.– Dirulaguntzaren baldintzen aldaketak eta ez-betetzeak.

1.– Laguntza emateko baldintzetan aldaketaren bat gertatuz gero, ezinbestekoa izango esku-mena duen zuzendaritzaren baimena lortzea. Eskatzaileak arrazoitutako eta sinatutako idazki baten bitartez egingo da aldaketa-eskabidea, eta aldaketa horretan sartutako pertsona guztien oniritzia izan beharko du. Edonola ere, baimendutako aldaketek ezinbestean bermatu beharko dute aldaketa horien ondoriozko kalitatea laguntza ematea eragin zuen kalitatearen antzekoa izango dela eta orduan emandako kalifikazioak ez direla aldatuko.

2.– Laguntza itzultzeko prozedurari ekingo zaio baldin eta laguntzaren onuradunak edo atxikitze-zentroak Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintza Dekretuaren 53.1 artikuluan adierazitako kasuetako batean sartzen badira, agindu honetan eta bete beharreko gainerako arauetan aipatutako baldintzak edo betebeharrak betetzen ez badituzte, edo dirulaguntza emateko kontuan hartu ziren baldintzetako bat edo batzuk betetzen ez badituzte, betiere Legegintza Dekretuaren 53. artikuluan, Dirulaguntzei buruzko azaroaren 17ko 38/2003 Lege Orokorraren 37. artikuluan eta laguntzak emateko ebazpenean xedatutakoaren arabera.

29. artikulua.– Dirua itzultzeko prozedura.

1.– Dekretu honetan xedatutakoa betetzen ez den kasuetan, hau izango da prozedura:

a) Prozedura hasteko agindua zuzendaritza eskudunaren titularrak emango du. Eten egingo dira oraindik egiteke dauden ordainketak.

2021eko martxoaren 31, asteazkena

b) Ebazpen horretan, prozedurari hasiera emateko arrazoiak jasoko dira, eta hamabost eguneko epea emango da alegazioak egiteko.

c) Alegazioak jaso ondoren edo aurkezteko epea alegaziorik egin gabe amaitzen bada, prozedurari amaiera emango zaio zuzendaritza eskudunaren titularraren ebazpen bidez.

d) Hamabi hilabetekoa izango da, gehienez ere, itzultze-prozedura ebazteko eta jakinarazteko epea.

e) Ebazpenean jasotzen bada arauak ez direla bete, laguntza jasotzeko eskubidea galdu dela jakinaraziko da eta, hala badagokio, adieraziko du diru-zenbatekoak EAEko Diruzaintza Nagusiari itzuli behar zaizkiola, baita laguntza ordaindu zenetik dagozkion legezko interesak ere; horretarako epea, gehienez ere, bi hilabetekoa izango da, ebazpena jakinarazten denetik aurrera. Borondatezko epetzat joko da epe hori.

2.– Borondatezko epean laguntza itzultzen ez bada, horren berri emango zaio organo eskudunari, premiamendu-bidean laguntza hori berreskura dezan, aplikatu beharreko lege-araudian xedatutakoari jarraikiz.

XEDAPEN GEHIGARRIA.– Datu pertsonalak.

Eusko Jaurlaritzaren barnean nekazaritzaren, arrantzaren eta elikagaigintzaren sektoreetako I+G+b-an eskumena duen sailak datuak dagokien babes-mailarekin tratatzeko konpromisoa hartzen du, Datu Pertsonalak Babestekoa eta Eskubide Digitalak Bermatzeko abenduaren 5eko 3/2018 Lege Organikoan eta aplikatu beharreko gainerako araudian ezarritakoarekin bat etorriz.

LEHENENGO XEDAPEN IRAGANKORRA

12.3 artikuluan ekitaldi batean erabili ez den laguntza osagarriaren zenbatekoari buruz ezarritako aurreikuspena atzeraeraginez aplikatuko zaie, xedapen hau indarrean sartzen denetik, dirulaguntzaren xede den jarduera egiten jarraitzen duten 2017ko, 2018ko eta 2020ko deialdietako onuradunei, geratzen den jarduera-aldirako.

BIGARREN XEDAPEN IRAGANKORRA

12.4 artikuluan zenbatekoak eguneratzeari buruz ezarritako aurreikuspena atzeraeraginez aplikatuko zaie, xedapen hau indarrean sartzen denetik, dirulaguntzaren xede den jarduera egiten jarraitzen duten 2017, 2018, 2019 eta 2020ko deialdietako laguntzen onuradunei, geratzen den jarduera-aldirako.

XEDAPEN INDARGABETZAILEA

Berariaz indargabetuta geratzen da 15/2020 Dekretua, otsailaren 18koa, zeinaren bidez arautzen baitira nekazaritzaren, arrantzaren eta elikagaigintzaren sektoreko zientzia-teknologiaren eta enpresaren alorretan langile ikertzaileentzako eta langile teknologoentzako prestakuntza-laguntzak (2020ko martxoaren 3ko EHAA, 43. zk.).

AZKEN XEDAPENETAKO LEHENENENGOA.– Aplikazio osagarria.

Dekretu honetan aurreikusita ez dagoen guztirako, honako arau hauetan xedatutakoa bete beharko da: Euskal Autonomia Erkidegoko Ogasun Nagusiaren Antolarauei buruzko Legearen testu bategina, azaroaren 11ko 1/1997 Legegintzako Dekretuaren bidez onartua; 39/2015 Legea,

2021eko martxoaren 31, asteazkena

urriaren 1ekoa, Administrazio Publikoen Administrazio Prozedura Erkidearena; 40/2015 Legea, urriaren 1ekoa, Sektore Publikoaren Araubide Juridikoarena; eta Dirulaguntzei buruzko azaroaren 17ko 38/2003 Lege Orokorraren oinarritzko manuak (Dirulaguntzei buruzko Lege Orokorraren Erregelamendua onartzen duen uztailaren 21eko 887/2006 Errege Dekretu bidez garatua).

AZKEN XEDAPENETAKO BIGARRENA.– Garapen-gaikuntza.

Baimena ematen zaio eskumena duen sailaren titularri dekretu hau garatzeko eta betearazteko beharrezko diren xedapen guztiak hartzeko.

AZKEN XEDAPENETAKO HIRUGARRENA.– Indarrean jartzea.

Euskal Herriko Agintaritzaren Aldizkarian argitaratu eta hurrengo egunean jarriko da indarrean dekretu hau.

Vitoria-Gasteizen, 2021eko martxoaren 23an.

Lehendakaria,
IÑIGO URKULLU RENTERIA.

Ekonomiaren Garapen, Jasangarritasun eta Ingurumeneko sailburua,
MARÍA ARANZAZU TAPIA OTAEGUI.